

Giubileum sut l'ensaina da la persistenza

Il nov CEO da la Banca Chantunala grischuna Daniel Fust metta accents

DA MARTIN CABALZAR

■ **Cun il cumenzament d'october surpiglia Daniel Fust il timun da la Banca Chantunala Grischuna sco nov schef operativ. A medem temp lantscha la banca las activitads per il giubileum da 150 onns per l'onn vegnent.** «Nus ans legrain da metter accents persistents cun la banca e cun il giubileum da la BCG sut la direziun da *Daniel Fust*», ha ditg il president da banca *Peter Fanconi*, giavischond al nov CEO bun success, blera forza e perseveranza per ses cumenzament. Ins mantegna la strategia cumprovada – ha ditg Fanconi – i dovria però era novs accents per che la banca possa avair success er en l'avegnir.

In focus pli ferm sin la persistenza e la flexibilitad

«In success da blers onns furma ina buna situaziun da partenza, el na dastga però betg avair per consequenza ch'il basegn da far midadas vegn sustimà», ha introduci il nov CEO Daniel Fust sia vista areguard il svilup futur da la Banca Chantunala Grischuna. Ils midaments actuals sajan ina sfida per l'entir sector da bancas. Mo quels che chapeschian en tge direziun ch'ils basegn fisics, digitalis e mentalis da la clientela gjajan, possa avair success, ha ditg Fust. «La cumpetenza da digitalisar e cussegliar èn daditg facturs da success. La gronda sfida è a noss avis dentant l'ulteriur svilup strategic persistent da la banca che permetta er a las generaziuns futuras dad esser loschas da la BCG», ha ditg il president da banca *Peter Fanconi* ord vista strategica. Fust vegn damai ad orientar da nov il 2020 l'entira paletta da products d'investiziun tenor criteris da la persistenza. Per decisziuns d'investiziun vegnan resguardads en l'avegnir criteris che pertutgan l'ambient, ils fatgs socialis e la gestiun d'interpresa



Il nov schef operativ da la Banca Chantunala Grischuna Daniel Fust ha preschentà co el vul manar la banca en l'avegnir.

MAD

(criteris ESG). La direziun da la banca è persvasa che la BCG contribuescha uschia sia part ad in mund pli persistent. En pli èn criteris che promovon in svilup persistent en l'avegnir indispensabels sco facturs da rendita en il portfolio.

Ultra da quai investeschan ils responsabels en la flexibilitad da la banca. Du mandads èn simplificaziuns organisatoricas e novs models da collavuraziun cun partenaris interns ed externs. Fust pretenda da flexibilisar las structuradas ed ils process interns e sa focussescha sin structuradas da raits agilas là nua che l'ierarchia classica retarda ils andaments. En quest senn vegnan actualmain svilupadas vinnanant era la visiun e la metodica strategica da la banca. In emprim segn ha la banca mess il settember cun concepir da nov l'unitad da fatschenta «Digital Banking & Services» sut la direziun dal commember da direziun *Enrico Lardelli*. Cun la nov'orientaziun concentrescha

la banca las resursas dal manaschi ed augmenta sia forza per ulteriur svilup ed innovaziun. «En vista a la mancanza da persunal qualifitgà prognostigada per tut la Svizra e la midada da generaziuns en il martgà da lavur ans occupain nus gia da l'attractivitat sco patruna ch'è decisiva per il success da damaun», ha confermà Fust. Collavuraturas e collavuraturas cumpetents sajan decisivs per la qualitat, la cuntinuitad e la fidadad da la banca ed ina premissa per in'auta confidenza en la BCG. La vista dal concern gudogna – considerond las participaziuns a Turitg – adina dapli muntada, la basa strategica saja e restia dentant l'attachadadad cun il Grischun sco spazi economic e spazi da viver.

Il giubileum da la BCG cun l'accent principal «aua»

L'onn proxim festivescha la BCG ses giubileum da 150 onns. La banca vul

metter accents per l'avegnir cun prender per mauns projects ch'han effect era sument l'onn da giubileum e che servan a las generaziuns futuras. Fust ha preschentà ils emprims projects. In accent principal è l'elixier da la vita «aua» e sia circulaziun. Nua che la circulaziun da l'aua perda l'equiliber sa resultan sfidas per l'uman. Il Grischun è sez confruntà cun il regress dals glatschers che tutga e pertutga tut il mund. L'existenza dad umans en bleras regiuns dal mund è adina pli dependenta da l'aua da glatschers situads en lur vischinanza. Qua vul la BCG contribuir sia part cun investir en la perscrutaziun e la sensibilisaziun per il tema. Uschia ha la BCG gia finanzià il studi preliminar per il project grischun «MortAlive» sut la direziun da l'innovatur e glaziolog *Felix Keller* da l'Academia Engiadina Samedan e da la Scola auta spezialisada dal Grischun a Cuir. Cun in project reussi pudess ins metter signals persistents lunsch sur ils cunfins grischuns ora. Per sensibilisar ed infurmar la vasta populaziun planisescha la BCG in center da visitaders attractiv davart il tema «glatschers en il Grischun» che duess attrair giasts da da lunsch e da manivel. Dapli infurmaziuns davart quest center datti en il decurs dal 2020. Ultra da quai sustegna la BCG per trais onns il project Climaqua-Fond da las Allegra Passagger Mineralquellen SA. Durant l'onn da giubileum 2020 va cun la vendita da mintga aua minerala en ina buttiglia da vaider ina contribuziun en favur dal Climaqua-Fond. Cun il fond vegnan sustegnids projects svizzers persistents en favur da la protecciun da l'aua ubain dal clima.

Posiziunar da nov il fond da start-up Innozet

In ulteriur accent metta la BCG en il sector da la promoziun da start-ups: La fun-

daziun Innozet per la promoziun ed il sustegn d'interpresa giuvnas innovativas vegn posiziunada da nov grazia ad in sustegn dad en total tschintg milliuns francs da la BCG e da la firma Trumpf Schweiz SA a Crusch (Grüsch). Promovidas vegnan interpresa grischunas fundadas da nov (start-ups) cun il focus tecnologia e turissem ch'han svilupà in'idea da fatschenta plausibla e realisabla. Lur finamira sto esser da fundar plazzas da lavur en il Grischun e da rinforzar l'economia locala. Preferidas vegnan interpresa cun ina gronda forza innovativa ubain in grond potenzial da valor agiuntada en il rom d'in model da fatschenta che s'orientescha a l'avegnir.

In engaschi spezial durant l'onn da giubileum

Era durant l'onn da giubileum s'engascha la BCG vastamain per projects d'util public da la cultura, dal sport, dal champ social e da l'economia/turissem. Cun BCG FORZA pon en spezial projects persistents ubain projects cun in grond util per la publicitad vegnir sustegnids anc pli fitg. En pli vegn la banca ad amplifitgar il program da lavur voluntara BCG. In accent spezial metta la BCG sin il tema da la promoziun da musica. La banca permetta da crear la nova plattform www.graubuendenmusik.ch che duai sustegnair e gidar da commercialisar a moda surregiunala musicistas e musicists grischuns da tuttas spartas. La musica dal Grischun che vegn savens sustimada sin plaun nazional duai pudair fitgar pe en Svizra e a l'exteriur. La purtadra da questa plattform ed il post administrativ è l'Uniun Musica dal Grischun ch'è vegnida creada aposta per quest intent.

Ulteriurs projects lantscha e communitgescha la BCG durant l'onn da giubileum.